

**ZAPISNIK SA 14. SJEDNICE UO SAMOSTALNOG SINDIKATA RADNIKA U BHRT-u,  
U MANDATU 2023/2027, KOJA JE ODRŽANA U PONEDJELJAK, 23.5.2024. GODINE**

**Prisutni:** Merima Kurtović-Pašalić; Džemal Kahrica; Edis Fočo; Mubera Herac; Samir Gadžo; Mustafa Baručija; Minka Džihanić; Sanija Saljihi; Sadin Kavazović, Ekrem Agić, Omer Bukić, Alen Pavić  
**Odsutni:** Minja Erić; Samir Brkić; Ekrem Agić; Sanin Vila

Dnevni red:

1. Zapisnik sa 13. redovne sjednice UO SSR u BHRT-u
2. Finansije
  - Blagajnički izvještaj za mjesec april 2024. godine
  - Izvještaj Adriatic osiguranje za mjesec april 2024. godine
3. Aktualna situacija
4. Razno

**AD 1.** M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 14. sjednicu UO SSR u BHRT-u, u mandatu 2023-2027 i predložila dnevni red koji je jednoglasno usvojen, kao i Zapisnik sa 13. redovne sjednice UO sindikata.

**AD 2.** Blagajnički izvještaj za mjesec maj 2024.godine je primljen k znanju.  
Izvještaj M.Herac o poslovanju sa Adriatic osiguranjem za maj 2024.godine je primljen k znanju.

**AD 3.** M.Kurtović-Pašalić je upoznala prisutne o vrlo teškoj situaciji u kojoj se nalazi BHRT i svi uposlenici jer još uvijek nije potpisan Sporazom sa EP BIH o raspodjeli novca,koji se prikuplja ali ne dolazi do uposlenika te da je vrijeme i za konkretnije sindikalne poteze koje smo ranije najavljivali. Prije otvaranja rasprave o aktualnoj situaciji M.kurtović-Pašalić je upoznala prisutne da je izvršni sekretar E.Čengić podnio pismenu ostavku na sve funkcije u UO Sindikata sa datumom 23.5.2024.g. i poželio sreću i uspjeh u radu članovima Sindikata.  
Predsjednica SSRuBHRT-u je naglasila da je obavila razgovor sa kolegom Čengićem,da joj je žao što je do toga došlo te da nas je kolega Čengić kao izvršni sekretar napustio u baš teškoj situaciji. Također,ostavke su dali i članovi UO Edin Hidić i Sanin Vila. Razlog koji je kolega Čengić naveo za ostavku je da ne vidi smisla više u angažmanu u sindikatu jer smatra da rukovodstvo puno radi a da ostali ne rade ništa. Kolege Hidić i Vila nisu dostavili pismene ostavke.  
Obzirom da kolega Čengić nije bio prisutan, nakon rasprave u kojoj je istaknut značaj funkcije Izvršnog sekretara i sve obaveze koje nakon ostavke Sindikat mora uraditi administrativno, donesena su 2. zaključka.

1. Izvršni sekretar Elvis Čengić ne može biti razrješen dužnosti od strane UO sindikata dok se ne izvrši primopredaja arhive uključujući spisak članova sindikata sa pristupnicama i dok ne potpiše sve Zapisnike koji su usvojeni za vrijeme trajanja njegovih mandata. Primopredaju dokumentacije će izvršiti predsjednica Sindikata koja će tu dokumentaciju predati novom izvršnom sekretaru nakon njegovog izbora.
  2. Članovi UO SSR u BHRT-u koji su podnijeli ostavke (Elvis Čengić,Edin Hidić i Sanin Vila) na članstvo u UO moraju dostaviti ostavke u pisanoj formi Sindikatu adresirano na Skupštinu jer po šlanu 30 Statuta SSR u BHRT-u Skupština sindikata imenuje i razrješava dužnosti članove Upravnog odbora. Takodje, sindikalne podružnice iz kojih su članovi UO koji su podnijeli ostavke treba da izaberu nove kandidate za članove UO sindikata.
- Oba zaključka su usvojena jednoglasno.

Kada je u pitanju aktualna situacija predsjednica Sindikata M.K.Pašalić je ponovila prisutnima da je situacija jako teška i da je učinjeno sve kako bi se razriješila agonija radnika. Dž.Kahrica je upoznao prisutne o aktivnostima rukovodstva u proteklom periodu:

- održan je sastanak sa v.d.direktorom EP BiH gđinom. Nevadom Ikanovićem, kojem smo na najvjerodostojniji način prezentirali stvarno stanje u kojem se “obični radnici “ nalaze dok se menadžmenti”(ne)dogovaraju “. Gđin Ikanović je bio korektan i pojasnio nam problem u koje će se EP BiH naći ukoliko se uskoro nepostigne dogovor;
- održan je sastanak i sa pravnim savjetnikom E.Plećanom o našim pravima i o koracima koje može sindikat poduzeti u skladu sa Zakonom;
- na našu inicijativu rukovodstvo sindikata se ponovo obratilo Komisiji za saobraćaj i komunikacije PSBiH čije smo članove i predsjedavajućeg J.Imamovića upozorili šta se može dogoditi ukoliko se što prije ne riješi problem raspodjele plata radnicima BHRT-a. J.Imamović je u obraćanju medijima rekao da Komisija daje 7 dana rok resornim ministarstvima na državnom i entiteskom nivou kako bi se što prije našao način za isplatu plata radnica BHRT-a.

Merima Kurtović-Pašalić je iznijela prijedlog da SSR u BHRT-u održi PROTEST UPOZORENJA 28.4. u 14 sati na galeriji prvog sprata u RTV domu, zbog teške situacije u kojoj se nalazimo i to bi bio svojevrsan test koliko bi ljudi izašlo i na eventualne proteste van zgrade RTV doma.

Dž.Kahrica je pojasnio da je datum izabran zbog termina našeg pravnog zastupnika koji će na protestima obratiti prisutnima. Nakon duže rasprave, članovi Upravnog odbora su jednoglasno izglasali prijedlog o organizovanju PROTESTA UPOZORENJA 28.4.2024.g u 14 sati.

U nastavku sjednice podijeljeni su zadaci u vezi organizacije : prijava nadležnim organima, ljepljenje plakata, obezbjeđenje direktnog prijenosa u programu BHRT-a, da Povjerenici obavijeste članove, kao i organizacija dolaska i prijem gostiju koji će doći, kao i sve ostalo potrebno za organizaciju protesta. Ponovo su ponovljeni zahtjevi koje UO traži od ranije s tim što se uz njih insistira na prvom mjestu isplatu plaće, veću plaću i naknade, uplate doprinosa i uvjeti rada kao i odlazak kvalitetnog kadra, zbog svega naprijed navedenog.

Tokom rasprave je članovi UO su informisani i o dopisima iz Redakcija multimedije, sportske redakcije i Muzičke produkcije koji su skoro identičnog sadržaja. Također, dogovoreno je i da se snime audio snimci uposlenika o svakodnevnim problemima sa kojim se susreću, a koje bi puštali na protestima.

**AD 4.** Pod tačkom razno, M.Kurtović-Pašalić je upozнала prisutne i o najavi održavanja “partya” ispred zgrade u krugu RTV doma, te predložila da bez obzira na eventualnu dobit za BHRT da UO izrazi protivljenje, pogotovo ako se uzme u obzir trenutna situacija u kojoj se nalazi BHRT, te eventualne reakcije i percepcija javnosti i građana od kojih živimo, što je UO prihvatio. S.Gadžo je pojasnio da je taj događaj otkazan.

Dž.Kahrica je upoznao prisutne i o sve većem broju žalbi uposlenika odnosno članova sindikata na visoke cijene hrane u restoranu, pogotovo kada se u obzir uzme visina naknade za topli obrok radnika BHRT-a. Takođe, kolege se žale i na neizdavanje računa za pruženu uslugu, kao i na nepostojanje cjenovnika u posljednje vrijeme. UO je jednoglasno usvojio prijedlog da se razgovara sa Menadžmentom o navedenim problemim na koje su ukazali uposlenici..

Sjednica je završena u 11h 05 min.

Predsjednica  
Samostalnog sindikata radnika u BHRT-u  
Merima Kurtović-Pašalić